

牧齋有學集

牧齋有學集卷九

紅豆初集

題孟陽倣大癡仙山圖

萬曆丁巳夏五月余與孟陽栖拂水山莊中峰雪
崖師藏大癡仙山圖相邀往觀是日毒熱汗濯濯
滴簷輿上日落仍還次日孟陽憶之作圖筆硯燥
渴點染作焦墨狀至今猶可辨也去盡時四十一
年孟陽仙去亦十五年矣子羽偶從集上購得以
示余人世俯仰不堪把玩孟陽每拈首楞中前塵
影事一語念之惘然因作歌題其上

大癡老人遊華山白雲滂起衫袖間玉簫滿滿車箱
谷抗手招邀竟不還孟陽不樂人間住燒松點墨天
都去三十六峰雲海中白月吳吟向何處愛盡都於
畫筍揆湖橋東畔石城南每對山窓圖粉本更從禪
榻倣浮嵐大癡有浮嵐煖翠圖紙上流年去無跡筆端白汗猶
堪滴故人風致剩殘縑老我顛毛比焦墨楞嚴影事
不吾欺落却前塵午夢遲兩翁執手仙山裏莫漫軒
渠笑我癡

和些菴和尚補山堂歌

牀頭雙劒匣龍虎繡澀悲吟卷毛羽宵來光怪橫甲

兵彌天倒寫修羅雨柴門白浪平江湖天宮峒峨地
極孤閃電金蛇裂如線懔懔豈知天有無有人用管
量天咫尺我笑斯人夢夢耳山僧貽我補山歌使我沉
憂霍朕起南條天高嶺千疊何人移置沙灣裏長沙
銅柱不曾腐規外星辰九嶷補東海揚塵未移日剩
水殘山何足數眼前突兀見此堂摩空浴日開洪荒
長歌仰視天蒼蒼河曲智叟徒徬徨

送人還白門

胃絮支牀老病身閉門消煞二分春經殘自乞鄰家
火客到聊除坐榻塵流水故依垂釣叟桃花但引捕

漁人秦淮舊日邀遊侶
柳市鐙船念我頻

送蕭孟昉還金陵

雞黍交期雪涕頻
相看不語且霑巾
鬚眉歷落如吾友
談笑分明見故人
草白金陵吳殿月
花開鐵柱晉時春
西江朋舊憐衰老
破屋秋風剩此身

六安黃夫人鄧氏

魚軒象服照青春
鼓吹喧闐壁壘新
繡幃昔聞梁刺史
錦車今比漢夫人
鬚眉男子原無幾
粉黛英雄自有真
還待麻姑擘麟脯
笑看東海再揚塵

秦淮花燭詞十首爲蕭孟昉作

柳市春風蕩玉鈎香車寶馬簇紅樓鳳簫聲裏秦淮
月偏照唐家紫綺裘

花合花開晝夜知圓生香樹長新枝道人不解人間
事只道諸天花燭時

桃葉初迴閭闔風圓璫方繡敝春紅都人傳說新粧
好髯髻分明出漢宮

圓黃散黛笑傾城眉嫵何曾學畫成十二珠簾春半
捲三山天下自盈盈

潑墨攤書香每遲鬪爪才了又徵詩清心玉映堪題
品林下風懷更有誰

香奩中旦戒雞鳴欲覓封侯少婦情
教斷侍兒歌子夜洞房齊唱豫章行

十五盈盈比莫愁將雛一曲倚箜篌
莫辭年少矜夫婿珍重生兒字阿侯

生兒那可不如孫壁月璫枝總莫論
嬌小未知吳苑路夢腸何事繞閨門

繡佛旛前祝夢熊金光夫婦宿因同
朝來鬢髮臨粧鏡早有明珠現髻中

春浮春色在花前湯餅筵開抱送年
摩頂不須求寶誌老夫斟雉是彭錢

吾家歸佛長孫曾名字都依日月燈最是兩家繁種
姓不妨齊作白衣僧

詩老才人各擅長紫簫紅錦競催粧衰翁自分如三
老花燭詩中祝弄璋

戊戌中元寓僧舍毒熱如坐甑中偶見王孟端
畫竹漫題二絕

天地洪鑪鍛不休赤烏夾日火雲流誰將玉律迴殘
紙吹動琅玕萬葉秋

竹埤梧垣久陸沉舍人潑墨尚蕭森閒窓展卷如尋
夢遮眼猶狀一院陰

次韻酬覺浪大和尚

誰云花果自朕成五百年來墮鬼坑師子野干同說
汰土梟水母各齊盟燈于半夜傳時密月向千江落
處明自古崑岡能辨玉莫將燕石誤題評

戊戌新秋日吳弢之持孟陽畫扇索題爲賦十絕句

長日繙經識昔因西堂香寂對蕭辰前塵影事難忘
却只有秋風與故人

斷楮殘縑價倍增人間珍賞若爲憑松圓遺墨君應
記不是緇雲卽送僧

孟陽別妓有
緇雲詩書

叅錯交蘆黯淡燈扁舟風物似西興每於水濶雲多
處愛盡袈裟乞食僧

畫裏僧衣接水文菰烟蘆雨白紛紛看他皴染無多
子只帶西灣幾片雲

細雨西樓墊角巾鬢絲香篆淨無塵如今畫裏重看
畫又說陶家畫裏人

落墨蕭疎破墨新摩挲手跡話霑巾廿年夜月秋燈
下無復停歌染翰人

輕鷗柔艣羃江烟櫓背三僧企脚眠只欠渡頭麾扇
更岸中指點汎江船

春水桐江訣別遲孤舟搖曳斷前期可憐船尾支頤者還似江干招手時

一握齊紈颺劫灰封題鄭重莫頻開祇應把向波濤裡大海秋風哭幾回

秋風廿載哭離羣泉路交期一葉分依約情人懷袖裏每移秋扇感停雲

題呂天遺菊齡圖

青衫皂帽自盤桓老圃秋容相向寒顧影不須嗟短髻黃花猶識古衣冠

甲子遷訛記不真東籬花是老遺民茫茫四海山河

裏剩得陶家漉酒巾

秋花愁絕朔風塵飲露餐英蛻此身近日東郊難占
籍衆香國裏作頑民

柴門低亞挿籬新長爲寒花鎖綠筠不比桃源在人
世春來勾引捕漁人

碧梧枝下晚香花風味依怙故相家歎息五侯零落
盡南山萁豆邵平瓜

半樹梧桐小院陰黃花幾朶照清襟落陰閒淡人如
菊長向籬邊養道心

題歸玄恭僧衣畫像四首

牧齋有學集

卷九

六

莫是佯狂老萬回
壞衣掩脛髮齊腮
六時問汝何功課
一卷離騷酒百杯

周冕殷尋又劫灰
緇衣僧帽且徘徊
儒門亦有程夫子
贊歎他家禮樂來

紫殿公欣溺正衙
又從別室掉雷車
天公罰作村夫子
點簡千文與百家

罵鬼文章載一車
嚇蠻書檄走龍蛇
顛書醉墨三千牘
聖少狂多言法華

吳江吳母燕喜詩

酒熟餘杭燕喜初
春盤入饌鱸江魚
閒居賦裏長筵

早野史亭前視膳餘歲晚雞豚存漢臘夜闌燈火續
班書史家他日賢明傳不道閨門卽倚閭

元昭太史約過村庄却寄二首

承明取次候花磚醉月行春樂事偏金管却詒分韵
客銀箏同上泛湖船相如舊賦青琴在謝朓新詩紅
藥傳辛苦玉堂諸學士上陽東去卽登仙

東山聯竹正駢羅雜俎閒居意若何飛蓋擁門停列
炬高軒夾巷候鳴珂詩成點筆羊何和舞罷移燈趙
李過我有燭花新釀酒遲君同醉莫蹉跎

戲題付衣小師

牧齋有學集

卷九

七

宗門強盛教門微講席荒涼聽衆稀冷淡衙門圖熱
鬧他家付拂我傳衣

婁江謠五首

赤九霄伏白丸藏片檄橫飛不下堂柳市高樓聞夜
語桓東記取少年場

退衙開卷一儒生簾閣茶烟一縷清官燭夜闌鈴索
靜銅籤遙應讀書聲

披衣上馬絕飛埃百石弓弦霹靂開千騎跨坊傳炬
火使君海岸射潮回

英年白晢氣如虹下馬文章上馬弓吳下兒郎應錯

認周郎那復在江東

皇天老眼詎茫茫誰把民謠達上蒼天若可憐窮百姓便陞州守做都堂

石鏡

石鏡塵埋錦樹空珊瑚筆格臥牆東山喧海鬧籬門外燕乳鶯啼環堵中授簡兒看玄草白饁耕婦插野花紅香蓮扁豆催詩好還許排年餉老翁

送黃生達可歸嶺南

門盈蛛網榻盈塵有客經過縛帶新種菜自憐秋圃晚看花猶說曲江春文章金馬霜前淚故舊銅駝劫

後人記取荔枝香酒熟盈尊寄我莫辭貧

後送達可

秋水柴門執手辰五羊南望重霑巾白楊蕭瑟多良
友碧血輪囷有故人洗面不堪斟酌老淚濯纓猶喜剩
閒身明年再釀荔枝酒更與松醪鬪小春

孟冬十六日偕河東君自芙蓉庄泛舟拂水瞻
拜先塋將有事修葺感歎有贈效坡公上巳之
作詞無倫次

世間虛名巧相左南箕北斗常欺我村庄自昔號芙
蓉竊紅落紫無一朵况復西風捲濁浪水浸籬門潮

打座攤書仰屋百不快與君聊鼓西山柁我家丘壠
拂水西屏山鏡水天所貽澗水懸流雲浪疊堤樹迴
合虹霓垂喪亂奔波缺灑掃負土誓墓心參差每驚
秋風響松枯常懷夜雨鳴棠梨佳城鬱鬱掩地肺草
木升長禽魚滋爇陵沈灰息漂蕩陸渾新火回赫熹
亓武中天遣環衛神燈午夜懸靈旗萬里黃山在何
許清秋白露空嗟咨與君瞻拜共霑洒殘生贏得松
楸在馮君拮据理菟裘放我蕭閒居畏壘新豐粉榆
翦榴翳平泉花果護茱萸蕾枝撐蟹舍傍滄浪捫擋漁
庄聽款乃癸亭夜月聞舊詠丙舍朝陽發新彩炊飯

胡麻正好種釀酒菊花旋應採秋原落日耦耕孤春
野新晴饁耕待生涯於陵同灌園世事麻姑問滄海
夫負妻戴良可師鸞侶鷗盟終不改是時小春十月
天萬株紅滿千株顛白帝自誇冬藏富青女不仗春
工妍北斗朱旗互閃爍炎光火傘相後先衣錦城中
花盡醉將軍樹上枝欲燃五百年來漢東國山川文
繡仍依朕朱顏彌惜丹黃候白頭肯受霜風憐停車
酌酒成一笑坐覺妍煖回芳年白雲丹楓晚逾好夕
陽重上西湖船

採花釀酒歌示河東君

戊戌中秋日天酒告成戲作採花釀酒歌一首以
詩代譜其文煩其辭錯將以貽世之有仙才具天
福者非是人也則莫與知而好好而解焉

昔從武烈卜如響許我美酒扶殘年搜訪徵求越星
紀出門西笑終茫狀長干盛生貽片紙上請仙客枕
膝傳老夫捧持逾拱壁快如渴羗得酒泉歸來夜發
枕中秘山妻按譜重註箋却從古方出新意漉和齊
量頻節宣東風汎溢十指下得其甘露非人間琬琰
之膏烹碧酒獨餐良恐欺人天請從酒國徵譜牒爲
爾羅縷辨聖賢刼初地肥失已久上天飲樹誰人取

糟醅熏酣沉世界不解採花能釀酒採花釀酒誰作
恣終古修羅是元首選擇名花代麴蘖攪翻海水歸
尊鹵儀狄杜康非祖先糟丘酒池等便洩此方本出
修羅宮百花百藥爲酒母雲安麴米縮柘漿庀治酒
才須四友釀投次第應火候揉和停勻倚心手回潮
解駁只逡巡色香風味無不有纔傾郁烈先飽鼻未
瀉甘旨已滑口豈同醇酎待月旦不用新豐算升斗
君不聞仙家燭夜花花葉如餅圓且窪花中醞酒法
瑞露折花傾盞飛流霞又不聞西國葡萄漿散花供
佛上妙香狼藉萬石羨大宛珍重十斛輕西涼漢家

百末歌郊祀楚人桂酒朝東皇布蘭切桂總殊勝索
郎醺醪皆尋常嗔妬不憂天帝責業力更笑魚龍忙
它時雜林共遊戲還邀舍脂醉一觴是夕秋窓淨如
掃銀餅酒香碧月好瓊漿已扣藍橋姝油囊休貫餘
杭媪開篋勸我傾一盞駐顏熏髓胡不早舉杯邀月
復再拜敬受天祿酌頌禱君不見東坡先生昔南遷
羈窮好事劇可憐黃州蜜酒惠州桂再釀不就空流
涎雪寺松黃但湯液羅浮鐵柱徒刻鐫餅精麪良亦
長語擣香篩辣非真詮爾時朝雲正侍側袖手不與
扶危顛老饕餮歡復爾爾雲藍小袖寧無愆坡聞此

語應噴飯大笑索絕冠纓偏

勘讎慙大師夢游集累夢曹溪僧攜卷冊付囑
感而有作

曹侯溪下水淡洄一瓣心香度刳灰物象總憑九鼎
鑄道場終待四依開明燈半夜言猶在落月空江水
不回壞衲短衣殘夢裏十年獵隊看椎埋

桂殤四十五首

有序

桂殤哭長孫也孫名佛日字重光小名桂哥生辛
卯孟陬月殤以戊戌中秋日聰明勤敏望其早成
擬作志傳毒痛憑塞啜泣忍淚以詩代之效東野

杏塲之作凡七言長句十二首斷句三十三首歲
在屠維大淵獻如月二十五日蒙叟記

銀輪丹桂翦枝枝璧月新圓汝命虧世上無如爲祖
好人間只有哭孫悲踏翻大地誰相報叫斷高天竟
不知身似束柴憐病叟拾柴空復羨鸚兒

早知奄忽石麟徂抱送何煩孔釋俱七歲已看過頂
蠶九齡那得到揚舄錦樓未許傳龍種石鏡何曾照
鳳雛衰白思公猶研北空將秃筆架珊瑚

杏塲那比桂塲悲八桂林摧最好枝總是中原無獨
角不應東國有長雛驅烏畫地標秦塞騎竹朝天習

漢儀臨穴正如哀奄息傷心豈獨爲家兒

統袴膏梁事事無筆牀硯匣與身俱字裁破體雙飛

白書記他生一串珠滿口阿嘔皆諷誦經心辟呬每

奔趨寒窗避席更端處燈火青螢向坐隅

兒好爲飛白文忽作

雙飛白鈎剔清整少暇輒作影紙非肄業及之也

庠序威儀長者同佩觿遷履好兒童夙生種性之無

裏稚齒光陰研削中含北空閒及跼井牆東幸負放

鳶風可憐住世三千日竄死螢乾一老翁

鼠獄雞碑不關工恰宜石室從文翁挑燈每自將膏

續吞紙何曾爲腹空要約鳳麟成伴侶指麾飛走付

沙蟲鍼鋒細字叢殘紙牘有寒芒上白虹兒讀孟子至鳳凰麒麟章忽索筆疾書云麒麟會走凡獸也會走鳳凰會飛凡鳥也會飛云云不知何爲書已多手裂或自吞之

玉雪肌膚額髮青秋堂自伴讀書螢編摩楷正憎塗
乙嬉戲端詳恥琢丁頻窘塾師窮鳥跡自搜蠻語演
禽經與玄却羨楊家子帝夢居朕界九齡兒讀大學卽援筆注其上云綿蠻南蠻之聲也製掌大小本自爲箋疏今亡矣又一日問塾師一字臥則爲一豎爲何字塾師無以應乃出字書爲塾師解之親黨皆畏其辨難

月中田地久荒蕪顧兎重生信有無圓景卽看今夕
滿桂輪先報一枝枯紅牆銀漢傾愁雨碧落金波寫

淚珠豈但中秋荒讌賞何曾見月不嗟吁

每憶扁舟出水村牽衣挽袖笑迎門聞呼阿唯聲如
響問字摩娑膝尚溫閣筆栖牀畱入冢把書升屋與
招魂小樓厨角封題在蛛網橫斜澹墨痕

七十長筵燕喜新充閭先報石麒麟多生欠汝千行
淚此日拋予半箇身往往鳳凰傷短羽家家豚犬竟
長春呼天擗地都無分迴向空王證往因

佛日爲名本佛奴臨行大士數提呼業山夙昔從茲
倒淚海今生爲汝枯香像啣悲頻頂禮金經捫泣重
箋疏筆端舍利含桃許憑仗光明度冥塗

端正騎羊委佩紳弓腰劒背肅稱臣清除牀席鋪行

殿排設羅喉拜主人後報雞鳴催出日早時龍馭啓

清塵牽車仙仗應憐汝玉几先教傍侍晨

見三四歲騎竹馬稱

姪坐衙指其頂曰他日要戴紗帽也

桂闕荒涼月輦歆銀輪天子眼迷離不知誰弄吳剛

斧砍斷中央桂一枝

老大嫦娥掩素幃蝦蟆金背任騰飛桂枝零落無人

管天上分明少月妃

兎泣蟾愁天老悲月宮樹倒更攀誰秋風從此無才

思不爲人間生桂枝

扶頭側枕語流連點漆雙珠轉瞭然執手一呼吾去
也可知少別已千年

阿婆手壓柱花漿桂酒先期酌桂郎酒熟可憐誰喚
汝開筵辜負滿鉸香

作意情騰忍歎吁不禁垂鼻又霑鬚無多老淚宜珍
惜畱取摩挲潤眼枯

古字新書日幾番一回瞥見一加殮攢花簇錦徒遮
眼贏得長時弔淚痕

寒燈殘夢影徘徊問汝因何去不回報道重湖限杳
壤孤魂無伴若爲來

銅山秋夜應霜鐘
玉石崑崗餘燼同
蕙折芝焚如殺
菽空將白筆訟西風

大野祥麟沒網羅
破胎戕卯恨偏多
天公自放鉏耰
手反袂霑袍可若何

桂子元從月地移
月圓如此桂何之
而今剪紙爲圓
月便是招魂背祝時

黃鶴啣書便却回
金衣唼喋暫裴徊
八年飲啄樊籠

裏不是仙家肯下來

戊子歲予在南京夢黃鶴下半
野堂庭除金衣爛狀身如長人

驚顧錯愕先宮保抱持捉
付後院蓋生兒之祥瑞也

肇錫嘉名自木公
懸弧便擬付彤弓
桂宮迢遞丹枝

剪姓氏長畱在月中

兎園挾策咏綿蠻寸管雕鏤便不閒月崛天心怕穿漏可能容汝住人間

揮毫潑墨氣如虹鸞鳳麒麟指掌中笑殺細兒矜乳臭塗鴉蟠蚓號神童

金天醉後事如麻稷下雄談噪井蛙可惜吾家黃鶴子空餘爪觜向黃沙

征西堂構倚孫枝琬琰流傳述祖詩不道客兒先短折八公草木也淒其

抱子將孫婉晚同家兒諧噱每忽忽如今笑口翻鳴

咽誰復開顏喚阿翁

中年埋玉涕霑巾好友過從假喻頻腸斷松圓今隔
世平分老淚與何人

神情秋水貌春風鄉里嗟吁羨聖童只有一般還汝
書淫傳癖類家公

衰年坐膝愛兒駒掩口捫衣負劒初不是讐書并解
字何爲輕挽阿翁鬚

臥牀猶自惜居諸宛宛呻吟雜誦如定是重來騶魯
士送行唯有七篇書

兒屬續前口誦孟子曹交一章圓音落落誦訖而逝

童牙勤苦傍燈檠文字因緣宿世成指點之無餘習

氣樂天猶自悔前生

清明喘息一絲如片紙親身自潔除宋刻蒙求元學
范叮嚀收拾幾編書

飛白雙鉤又不分丹鉛甲乙正紛紛鍼鋒小字巾箱
本狼藉僮奴滿陌焚

綠沈湘管葬沉沙五色斑斕夢未賒百道光華埋不
得冢中定有筆生花

難字分標朱墨行俗書鈎剔正偏傍天家也要三倉
學召作修文最小郎

庚寅劫火六丁燧綵字丹書運上天汝去箋天應乞

與絳雲樓閣故依狀

玉府飛璋理汗青
緋衣趨召看新銘
靈壇瓊笈多多許
先問祇園百卷經

謫來塵壚八星霜
歸去仍依香案傍
驚怪滄桑比人世
玉樓新記換良常

團柱新宮月駕移
金樞玉兔整威儀
白衣上直隨青輦
長把王孫第一枝

福城解唱善財歌
續息熹微念補陀
記取華嚴樓閣好
三生彈指一塵過

花針蘭蕩拾來無
晝小殘生戀鳥烏
會得昌黎問天

語也應再拜謝玄夫

牧齋有學集卷十

紅豆二集

己亥正月十三日過子晉湖南草堂張燈夜飲
追憶昔游感而有贈凡四首

彈指經過十九年持螯把酒菊花前
流光冉冉看棋去往事騰騰中酒眠
風伯訟隨天醉判井公博與帝爭偏
夜闌秉燭非容易開口何辭一笑顛

書閣清齋初度辰祝筵酌酒最情親
貫花貝葉繙長壽炊飯香秬請應眞
席上半嗟揚解客井邊偏笑繫

腰人湖南舍北同春水蕩槳相過莫厭頻

辛巳九月初

度避客南湖子晉爲余開法筵供貫休十六應真像
爲余祝筵坐客有戈莊樂李孟芳孫子長諸君今同
嬰圃之觀人
去者半矣

迎門屐齒走兒童一握歡聲笑語中盤簇試燈春宴
餅簾喧畱客石尤風金杯醵後輕浮碧銀樹花前早
放紅夢裏華胥光景在未應惱殺白頭翁

藍風却雨過蒼茫安穩南湖舊草堂玉府珠林羅典
籍芝田蕙畝長兒郎殘編魚蠹春燈靜近局難豚社
酒香有約延綠葦間擢莫令餘子問滄浪
飲罷歸舟
申旦成詠越七日迴舟過玉峰捉筆
書之以貽子晉聊博一笑兼祈繼聲

酒逢知己歌贈馮生研祥

老夫老大嗟龍鍾綠章促數箋天公天公憐我扶我
老酒經一弓搜取修羅宮山妻按譜自洩和餅盞汎
溢回東風世人醕糟歌醕百不解南鄰酒伴誰與同
昔年嘗酒別勁止南薰獨數松圓翁此翁騎鯨捉月
去我久惜臂四顧折簡呼小馮馮生經奇貨好事癖
王聱叟略似儂對酒開顏解欣賞安詳舉杯徐俯躬
沾唇薄吮未忍嚙吮咀風味防忿忿妙香紆徐染藏
府餘甘次第回喉隴一盞沉吟逾食頃三杯緩酌過
日中沈冥似殢聲聞酒頻申應記禪定功旋觸冷雲
灌香水更收月魄開天容停杯樞衣起再拜賀我受

天百祿邀神工請君復坐三歎息酒中知己今遭逢
不惜側囊傳譜牒重與促席論從頌自從兵塵暗天
地人世猿鶴并沙虫糟丘一成廢舊築酒泉列郡荒
新封上清玉冊天厨醕錫我送老仍送窮老夫自哂
爲尊蟻吾子何妨號酒龍君不見宵來雲月何臃腫
箕風畢雨俱濛濛天駟光芒直南斗酒星蕩瀛臨江
東共犁天田種秫稻長穿井絡傳郫筒莫辭酒戶小
莫放良夜終玻璃小鍾更起數爲壽天街酒旗正閃
缸花紅

乳山道士勸酒歌

道士閩人林
古度茂之也

乳山道士年八十短褐蒙茸髯蕭颯早時才筆綠沉
管老去行藏青箬笠亂後蹙蹙無歡娛寢語行歌自
啜泣不爲老景戀桑榆不爲兒孫謀拮拾仰天指畫
只書空踏地鈴舁每側立南雲北戶眼淚枯細柳新
蒲衫袖濕唐衢哭世何夢夢東方罵鬼常嘖嘖是時
孟陬揆初度祝筵酌酒賓朋集門生扶老舁藍輿山
僧好事送米汁當頭荷鼓占角芒掛壁龍泉看繡澀
勸君開口盡一觴聽我長歌解於悒君不見脩羅釀
海作酒漿規取日月爲耳璫手撼須彌尾掉海擎雲
把日孰敢當刀輪飛空海水赤五絲繫縛善法堂藕

絲孔中遁刺促八臂千手嗤強梁又不見太行王屋
高萬仞愚公面山苦其峻子子孫孫誓削平帝遣夸
蛾助除糞穢滿南征從此歸翟道徑絕騁八駿靈胡
仙掌如等閒河曲智叟空目瞋人生變化良緯繡蛤
水蠅九量寸尺夸父策杖追日輪豎亥徒步算八極
曾連細兒黃鶴子爪觜雄誇帝秦客咸陽啗啞避赤
符天帝聘昭寢金策我昨南遊浮洞庭具區粘天社
橘青涇水瞥見征旗閃朝那復報戰血腥靈虛凝碧
張廣樂珠宮貝闕邇新銘錢唐破陣樂舞闌兩耳轟
轟喧震霆龍宮宴罷天欲白回車却過蔡經宅天厨

行酒正初筵金盤鱗脯取次擗麻姑鳥爪向余笑人
世茫茫抵博易漫道東瀛已三變又見蓬池淺於昔
勸君酒聊從容聽我長歌曲未終長繩何當繫白日
漉囊那可盛春風誰駕青牛逢富媼誰騎白雀欺劉
翁蒼鵝崇朝起池水杜宇半夜啼居庸銅人休嗟冶
新鑄銅駝會洗塵再蒙主稱未晞客旣醉蕙葉多碧
桃花紅雞窠叟鶴髮翁且辦一醉莫惱公申腰坦腹
春睡足九陽旭日高禺中

送南雲和尚

鶉尾旄頭道路艱江干吹笛淚潛潛芒屨露肘朝天

去敗絮蒙頭乞食還故國烏仍啼楚幕中原鹿正走
秦關崆峒仙杖無消息萬里軍持且未閒

載花易書詩贈泰和楊弱生

載得名花換異書章江一棹好春餘花如姹女辭金
屋書比黃衣下玉除青鏡瑤芳啖換馬碧山芸草喚
焚魚新書塞屋花仍放載酒爭過楊子居

贈同行康孝廉

青簾烏帽孝廉船載酒移花共泝沿長日素華凭几
看秋風湘袞對牀眠衆香國裏分香去羣玉峰頭插
玉旋烟棹却迴圖畫好有人吟望指登仙

已亥夏五十有九日靈岩夫山和尚偕魚山相
國靜涵司農枉訪卹居雙白居易確菴上座諸
清衆俱集卽事奉呈四首

四衆諸天擁道場迢然飛錫指江鄉
茆堂忽漫移蓮座老衲何曾下石牀
心月有光都映澈身雲無地不
清涼新炊自甗田家飯應供居然發衆香

緇衣二老度清流淡泊儒門未許收
豈有豎拳訶李渤但聞開口喚裴休
三災風火畱青鉢七日人天護
白頭十卷首楞消後夜雞鳴新報五更籌

江村炎日恣筵清設設松濤洒面生
忍艸隨風承語

軟蓮花裁服着身輕金輪影裏鳥三足寶月光中鶴
一聲拂水靈岩雲似帶招尋那復限牛鳴

妙蓮花界自圓成法海何因起墨兵少分觀天知眼
濶多生持地學心平蠅螟地曠當街叫蠻觸人饒畫
角爭放箸與君同噴飯須彌盧頂一螢明

題荷花畫扇五首

春風桃李花盈盈在何許荷花是可人作儂好伴侶
莫倚蓮花語將儂去比他祇應不解語人喚是蓮花
生年慣嬌疾不記儂生日五月荷花蕩傾城爲儂去
漫說蓮花國蓮花國在西生來並嬌小同住若耶溪

鏡裏蓮花面馮君自看取蓮花不生鬚那得生蓮子

戲咏雪月故事短歌十四首

康樂言天下良辰美景賞心樂事四者難并中秋
病伏枕間思良辰美景無如雪月此中樂事可快
心極意者古今亦罕尋繹各得七事系短歌以資
調笑若山陰藍關之雪牛渚赤壁之月不免寒餓
雖可清神濯骨今無取焉庚子中秋十三夜書

周武王

赤舄橫飛王屋熱流光化作十丈雪祝融河伯來會
朝共踏同雲奉玉節把旄仗鉞誰最強師臣百歲方

鷹揚應憐風雪垂竿夜獨守丹書渭水旁

穆天子

黃臺高丘夜飛雪白雲西沒瑤池碣草澤茫茫獵銀
海萬里玉門斷車轍黃竹歌殘八駿催化人只解攬
袂回還馮雪嶺看兩極却上中天千仞臺

宋太祖

香孩兒占銀世界滕六漫天作狡獪趙家點檢席帽
來扶頭學究迎門拜江淮蕩掃闕廣灰不敵銷寒酒
一杯最是王龍酣睡客夢中失笑墮驢迴

蔡州夜捷

蔡州夜雪嚴城闕馬牛毛縮賊徒醉天兵半夜縛元
兇懸孤城中但愕眙軍聲鵝鴨總如雷昭陵汗馬蹴
雪回相公振旅堂堂去日照潼關四面開

謝家詠雪

謝家庭除香雪洒玉樹芝蘭鬪佳冶柳絮因風絕妙
辭何煩絲竹供陶寫風流宰相中年時哀樂應防兒
女知擁爐閒話淮淝事還想東山一局棋

龍門賞雪

龍門雪飛歸騎緩相公傳呼且莫返厨傳烟中續續
來歌姬促坐燕玉煖花宮漏殘金縷歌此際重城鈴

索過瓊窓玉戶沉沉處三尺屏風樂事多

宋子京修史

玉堂夜雪清如水麗豎遠山夾紫几貂冠翠被宮錦
袍摩娑銀管修唐史燭花舒光墨湧波煖寒雙進金
巨羅回看青簡還自笑蘭臺蠶室當如何

月宮游

銀橋平砌金波路銀河一帶如繩渡太真却妬竊藥
人月宮不肯多時住霓裳拍序慢迴波三郎畫肚記
來多月中天子莫懊惱天上曾聞竊九歌

嵩岳嫁女

仙家花燭世希有書生相禮羣真後嵩山移作桂輪
宮燭夜花傾數巡酒莫道人間隔幾塵市朝陵谷頗
相聞開元天子來何晚爲救龍神蕩穢氛

西園公讌

鄴中公子敬愛客飛盡追隨共茵席丹霞明月照羽
觴良夜高吟憂金石遊讌差池歲序驚陳王多暇最
關情魚山月似西園好獨向寥天寫梵聲

庾公南樓

武昌城樓月如雪庾公高興中宵發城下江流照碧
波猶帶匡牀晉時月南戒江山半壁新月華應不染

遶塵晉陽夜月重圍後也有登樓清嘯人

洞庭揀橘

龍頭畫船載清醪李娟張態歌喉少迴塘十里接包
山一曲霓裳鋪未了五宿澄波皓月中玻璃地界水
晶官海山深鎖君知否近岸還防引去風

西廂記

由來張宿天河下鵲橋近倚蒲東舍一聯花影拂牆
詩千秋明月西廂夜雙文薄命莫咨嗟至竟天工不
算差縱是楊妃會傾國何曾桃李不開花

李牟烟竹笛

老蛟橫笛山河斷吹破李牟烟竹管乖龍耳聾鰲足
僵楊子江心月如澣餘音寥亮度吳關白翎海青颯
沓還會須重截龍吟竹劈裂秋風木葉山

續得本朝二事

威寧海

牙帳燭紅雪如許打番夜卒披衣語金杯玉勒賞未
足笑指雙鬟將勞汝邊笳烽火公自誇宵來背癢知
誰肥威寧海子新封好重擁妖姬醉雪花

棋盤街

天街白月淨如掃元相入朝銀燭早停車嘯咏解朝

衣禁鐘欲動天門曉閣道崩隤輦路傾玉堂佳話感
昇平竹沙蘆月江村夜歷亂漁燈似火城

徐元歎勸酒詞十首

皇天老眼慰蹉跎七十年華小刼過天寶貞元詞客
盡江東畱得一徐波

項背交游異世塵衣冠潦倒筆花新後生要識前賢
面元歎今爲古老人

羣少驚才互擊摩美名佳句竟如何倡樓樂府傳多
少聽取雙鬟第一歌

半是哦詩半治魔沉沉花漏轉星河句中烹煉焦牙

種煉出新篇當羯磨

斷袖分挑記繡歌沈侯懽謝六時過香消睡足溫殘
夢比較人間好夢多

吳儂每詫好冠非循約偏嗟短髮稀只有蓮花消瘦
服秋來仍是芰荷衣

酒海花枝夢斷餘鰈魚枯削恐難如冷淘淨肉家嘗
飯不用門生議蟹菹

胥井荒臺愁殺儂巢車無那老秋筇新蒲近入靈巖
社共笑山門日暮鐘

落木菴空紅豆貧木魚風響貝多新長明燈下須彌

卷一
頂雪北香南見兩人

瓜圃秋風嘉會成
鄰翁泥飲款柴荆
杯殘冷笑人間事
白帝倉空石鼓鳴

覺浪和上挽詞八首

予與浪杖人武林邂逅契在忘言
吳苑睽違跡同交臂
俄聞順世早已隔生歎
夜壑之負趨感晨鐘而
溪省刹竿却倒智鏡云
亡斯世如長夜之熄燈
伊余如跛人之奪杖
未能免俗敬製挽詞以哭
吾私非誰爲慟云爾

雲心洒落鶴身輕
覲面真令水觀成
莫道三生隔眉

宇琉璃白月自分明

石室分籌了未曾
雀喧鳩鬧正惺騰
恰如墨穴昏黃候
吹滅龍潭一紙燈

踏翻大地攪長河
一葦橫江也較多
解道廓然無聖句
依然平地自生波

錫杖條衣挂影堂
西齋依舊一爐香
趙州未會安閒恣
尚倚山門見趙王

驟雨沈灰剗未窮
長干一夜起嵐風
諸天比歲頻垂泣
細雨如絲只爲公

智海波騰識浪奔
溪簾海墨總瀾翻
披衣辭衆跏趺

去才顯晃耶不二門

須彌拍碎信軋坤曾向龍湖徹底論誰復夜闌聞軟語空餘落月似金盆

宗眼相期訂汗青五花重理五枝燈傷心僧寶馮誰續也似人間野史亭

靈巖方丈遲靜涵司農未至

台屏春淺日初遲接足高僧晏坐時丈室祇應禪老共琴臺只與片雲期梅橫縞袂迎人笑鶴曳玄裳入夢疑凝望空庭指頑石兩人心跡有君知

靈巖呈夫山和上二首

經年期約訪花宮一坐渾如小劫終厭寐語言殘夢
後欠呵情緒薄寒中方嗟下界初禪火又感空門四
樹風感歎天界浪老順世兼有後五百年利竿苦語月落長明燈焰焰夜闌
獨向屨廊紅

一入香林與世分杖藜侵曉過層雲日光下塔穿嵐
氣池影搖窓劃浪紋大地忽生應置答諸天退位可
相聞閒雲只在琴臺畔迎笑亭前舉似君

錫山雲間徐叟八十勸酒歌

此翁輕俠少無比白馬黃衫賤統綺千金借客柳市
中一曲嬌歌笛牀裏老來入道學閉關縛屋看雲惠

錫間看盡浮雲變，蒼狗雲忙不似此。翁閒今年八十
尚，扑檄百八數珠不離口。僧意打睡，鬪雞人佛火挑
燈，臂鷹手我亦。明年釣渭期爲君先唱壽筵詞，大家
掙札雙眉眼看取蓬萊水淺時。

周安石七十

梵行儒風共一家，條衣仗室似毘耶。青蓮池養新函
藥，紫柏林披舊貫花。長日經聲停院竹，清秋佛火淨
窓紗。壽觴且碎油囊酒，刼石何曾算歲華。

後秋興八首

八月初十日小
舟夜渡借別作

負戴相攜守故林，繡經問織意蕭森。疎疎竹葉晴窓

雨落梧桐小院陰
白露園林中
夜淚青燈梵貝六
時心憐君應是齊梁女
樂府偏能賦藁砧

丹黃狼籍髻絲斜
廿載間關歷歲華
取次鐵圍同血
道幾層銀浦共仙槎
吹殘別鶴三聲角
迸散棲烏半夜笳
錯憶窮秋是春盡
漫天離恨攪楊花

北斗垣牆闇赤暉
誰占鵲鳥一星微
破除服珥裝羅
漢減損壘鹽餉
伏飛娘子繡旗營
壘倒將軍鐵稍鼓
音違鬚眉男子皆
臣子秦越何人視瘠肥

閨閣心懸海宇棋
每於方罫繫懽悲
乍聞南國車攻
日正是西窗對局
時漏點傳稀更鼓
急燈花駁落子

聲遲還期一着神頭譜姑婦何人慰我思

水擊風搏山外山前期語盡一杯間五更噩夢飛金
鏡千疊愁心鎖玉關人以蒼蠅汗白壁天將市虎試
朱顏衣珠曳綺畱都女羞殺當年翟第班

歸心共折大刀頭別淚闌干誓九秋皮骨久拌猶貰
死容顏減盡但餘愁摩天肯悔雙黃鵠帖水翻輪兩
白鷗更有閒情攪腸肚爲余輪指算神州

全軀亂世若爲功架海梯山抵掌中漫許揮戈迴晚
日幾時把酒賀春風牆頭梅蘂疏窻白甕面葡萄玉
盞紅一割忍忘歸隱約少陽元是釣魚翁

臨分執手語逶迤白水旌心視此陂一別正思紅豆
子囊樓終向碧梧枝盤周曲角言難罄局定中心誓
不移歸院金蓮應慰勞紗燈影裏淚先垂

牧齋有學集卷十終

牧齋有學集

卷十

牧齋有學集卷十一

紅豆三集

辛丑二月四日宿述古堂張燈夜飲酒罷有作
神居仙治氣葱龍山檻雲興闌檻中東夏衣冠餘白
髮西臺堂構又春風架披細竹標青白杯壓蒲萄泛
碧紅從此吾家好風物引杯燒竹與君同

地茅天霧晝冥冥齋閣清晨拜六經隱几新詩千律
呂縈窻古字照丹青文嗤寫豕都疑亥學笑鯨魚每
食丁慙愧師丹老多忘貝多葉裏讀書螢

繁華第宅太平時山滿高樓夜宴遲醉倒綠窻賓作

主笑喧紅袖祭爲尸重簾勸酒鸚哥語促坐分甘燕
子窺彈指昔游今四世當筵引滿復何辭

春寒料峭管絃清坐看人間滄海更樂闋龍宮催急
鼓歌穿魚鱗出重城電驍雲北天舒笑月轉花西帝
解醒狂殺婆留老孫子醉看牛斗到參橫

讀豫章仙音譜漫題八絕句呈太虛宗伯并雪
堂梅公古嚴計百諸君子

重城珠翠照邗溝玉樹歌聲蕩玉鈎明月二分都捲
去誤人殘夢到楊州

別去騰騰只醉眠三杯天酒半龕禪江風吹落仙音

譜似佛修羅琴上絃

牡丹亭苦唱情多其奈新聲水調何誰解梅村愁絕
處秣陵春是隔江歌

雲藍小袖盡傾城逐隊燈前謝小名莫道掃眉才子
少墨兵酒海正縱橫

舞豔歌嬌爛不收南朝從此果無愁笑他寂寞新亭
客掩面悲啼作楚囚

紅筵綠酒競留春韞臂弓鞋一番新銀燭有花還解
笑風光偏賽白頭人

花落花開祇一晨判將嚼螭抵橫陳九歌本是人間

曲天老何曾愛二孀

遊絲白日忽成嵐
柳絮春風故作愁
寄與多心經一卷
色空空色任君參

孫郎長筵勸酒歌

人間何處開笑口
憤悶試問黃衣叟
烏黔鵠白誰使狀
鼻豎眉橫亦希有
君不見彭篋孫子
八十翁頭童鬢
禿兩耳聾客來
稱壽百不應反
踢蹠情追兒童
又不見孫郎三
十英妙年蘭成
射策爭先鞭華
堂高會稱燕喜
撞鐘伐鼓開長
筵長筵錦繡裊
吾谷對酒西湖
泛晴綠褒衣宿
素撰致語小隊
雲藍度新曲主
人

燕客露未晞千金爲壽徵歌詩滿堂詞人齊授簡老
翁曳杖前致辭君家門第不可當青油暢轂尚書郎
邇來科名尤烜赫夔陵潮來塔放光毳帳前頭海子
側潼酒駝羹賜顏色柏梁筆札傳拂廬槐木音聲動
鄉國東門銅狄不相待麻姑筵前見桑海燕山馬角
可憐生楊州鶴背知誰在天關海口未通津銀海又
報生埃塵漁陽白雀自賓主魚鳧杜宇猶君臣江村
夏水冬起電東鄰田父額生角詛神何用署實沉罵
鬼祇應倩方朔春光淡沱春寒輕春女如花春酒盈
一杯便可邀常醉一笑何妨喝月行如此郎君如此

老黃髮青春各言好尋花長與鶯燕羣釀酒莫被魚
龍惱爲君長謠勸酒歌老顛欲裂舞婆娑卽看紅豆
花開候恰是蟠桃一度過

吁嗟行走筆示張子石

君不見程孟陽詩名粉繪垂琳瑯松圓一抔掩寂寞
孫枝兩葉悲流亡又不見程善長布衣俠骨今無兩
傭保雜作購童稚新安江頭命孤槳是時春寒雨飄
蕭天容人意俱無憫通眉長爪猶在眼陳根絕哭不
可澆練川故人望眼勞衝泥扶病來崇朝摩頂執手
心鬱陶口推脫粟身解袍喜心翻倒轉嗚咽迷離老

眼隨風颭吁嗟乎丹陽朋舊不可得勝華通子誰省
識白刃有客獻伯禽青山無人弔太白老夫髦矣徒
歎息天地兵塵尚偪塞桃花照眼淚霑臆且持村酒
勸子石一爲歌行歌主客

梅公司馬枉訪江村賦詩見贈奉答二首公以
午節歸里爲遠山夫人稱壽故次首及焉

豹尾追游四十春銅駝金馬總成塵誰憐短髮今宵
客還是長安舊雨人門第何須問豚犬衰殘無復畫
麒麟公詩望犬子泥金之信且以礪
溪相擬皆非老人所樂聞也荒村剪燭渾如
夢贏得天涯白首新

石榴花綰柳縑絲暈碧裁紅燕喜時五日宮中長命
縷數峰江上遠山眉含桃寫似朱唇色萱子描如翠
黛姿聞道麻姑約相過餘杭媼擬助天醺

夫人傳語
內人許他

年相訪
故云

爲陳伯璣題浣花君小影四首

嫁得東家十五餘莫愁湖水浣花如薄裝自製蓮花
服禮罷金經伴讀書

杜曲湘蘭日暮雲桃根桃葉自殷勤琴心三疊將雛
曲不唱前朝白練裙

生來形影鎮相親畫裏春風掌上人含睇分明又疑

笑休教錯莫喚真真

一擲丹砂變海田麻姑纖手故依朕老夫梵志餘長
爪傳語方平莫浪鞭

山陰王大家玉映以小影屬題敬賦今體十章
奉贈

季重才名噪若耶縹囊有女嗣芳華漢家若採東征
賦彤管先應號大家

王大家玉映故尚書季重之幼女也

劫火燒焚玉不枯鮫人啜泣總成珠居朕拚穀垂羅
女寫入長康舉案圖

越絕何人說掃眉於今才子是西施采蓮溪畔如花

女齊唱吟紅絕妙詞

吟紅玉牒詩名也

臨河殘帖妙通神放筆能開桃李春傳語山陰王逸少王家自有衛夫人

鏡中金翠倩誰知鏤月裁雲是畫師西子湖頭貌西子纔看點筆已迷離

薄粧墮髻步遲遲懷古巡簷自咏詩忽漫漏天風雨

急青藤舊館哭天池

玉暎居乃徐天池青藤書屋有青藤爲風雨所拔歌

過雨溪山潑墨濃清琴徐拂半牀風那知淺絳輕綃裏身在陶家畫扇中

雙蛾橫黛遠山皆引鏡雲霞蹙髮釵指點眼中眉眼

在老夫何用辦青鞵

老病握衣再拜難錦帷初捲佩珊珊如何省識春風面博一金錢便與看

雲容月魄許題名健筆難誇老更成拂拭霜紈憑授簡敢將平視抵劉楨

爲范郎戲題妓館二首

芊眠春草臥銀瓶一曲扶頭酒未醒吳越山川誰管得此中先築語兒亭

女兒將免身故有女兒之戲

素手亭亭雪藕絲荷風落盃助催詩老懷自笑無憑

準昨日馮家哭盡眉

雲將有盡眉被鴈傷之

走筆贈祝子堅兼訂中秋煉藥之約

昔聞漢祝生厲節希史魚抗論柱監鐵彼哉桑大夫
子堅豈其後席帽北上書叫呶銀臺門奮臂叱庸奴
朝右咸縮舌投効歸寒廬讀書金華山抱膝候皇虞
邂逅古仙人授以青囊書採掇草藥精烹煉投冰壺
壺中藥涓滴可以蘇寰區上醫在醫國何事公與孤
我老偏耄耄藉子潤彫枯蘭江一棹來十載抒鬱紆
飲我香草露一酌炎歊除太息語子堅火雲蒸八隅
天地如籠甑零舞空嗟吁我聞華元化心孔察錙銖
脾腑或半腐處藥爲櫛梳悲哉今世人心脾爛無餘

車上徒懸蛇束手將何如子堅向天笑仰視飛鳥徂
相期八九月訪我紅豆居白月正中秋玉盤承方諸
我家虞山側藥草多於蔬自從虞仲來採藥皆仙儒
我埽烏目雲候子雙飛鳬庶彼淳于斟于焉逢慧車

爲武伯題家慶圖

嚴家門館經遲暮一彈指頃三世度眼看武伯放鶯
時膝前又列雙珠樹老人大父射游羣歷歷遺踪話
日曛此翁未便呼彭祖也是人間李少君

遵王敕先共賦胎仙閣看紅豆花詩吟歎之餘
走筆屬和八首

草木爲兵記歲華平泉花木盡泥沙未應野老籬前
樹湧出金輪別種花

花房交絡帶香纓竊白輕黃暈不成記取中央花藏
處流丹一點自分明

寂歷香塵界畫簾小闌綈几供香嚴算他紅白閒桃
李都與兒郎插帽簷

紅豆春深放幾枝花神作意洗粧遲應知十二年渲
染只待催花數首詩

香海花依小劫賒也將花計算塵沙夜摩天上人應
笑誰放人間頃刻花

金尊檀板落花天樂府新翻紅豆篇取次江南好風
景莫教腸斷李龜年

老去羞花嬾賦詩拚將才盡爲人嗤東中大有司花
女愁絕吟紅閣筆時

却恐明年花信遲都將好句定花期春工解道能雕
刻一辦應標一句詩

丁老行送丁繼之還金陵兼簡林古度

西風颯拉催繁霜江楓落紅岸草黃丁老裹糧自白
下賀我八十來江鄉千戈滿地舟艦斷五百里如關
塞長闔閭城上晝吹角闕宮清廟圍棋檜黑風愁雲

暗天地飛雁不敢過迴塘况聞伐守連下邑時雞籬
犬皆驚惶江村別有小國土嘉賓芳晏樂未央撞鐘
伐鼓將進酒停杯三歎非所當漢東孫子今爲庶羅
平妖鳥紛披猖碧天化日在何許三千那得花滿堂
丁老執杯勸我飲請開笑口毋傍徨我家添丁號長
耳三歲只解呼爺娘公今兒女並玉立開筵逐日分
輩行已看今孫就東閣更有快壻升東牀維摩天女
並瀟洒木公金母相扶將彭城老祖年八百曾孫八
十真兒郎趙州明年始行脚太公滿百方鷹揚庭前
紅豆旋結實蟠桃一顆公初嘗且垂雙眉覆塵堽共

撐老眼看滄浪我聞拊髀起稱善大笑敬舉君之觴
酒酣摩腹訂要約百歲未滿須放狂古人置酒便稱
壽何待燕喜吹笙簞老夫頑鈍未得歿南郊正報垂
星芒明年清秋再過我披衣拍手談滄桑乳山道士
八十二頭童眼眇學力强桐城方生年五十詩兼數
子格老蒼二公過從約已宿間阻正苦無舟航歸携
此詩共抵掌相顧便欲凌奔蒼君如再鼓京江柁方
舟定載林與方

讀方爾止龕山詩藁却寄二十韻

桐城方爾止能詩稱國手貽我龕山詩聲價重瓊玖

東笥多卷帙插置架上久寒宵偶攤書光怪驚戶牖
波瀾獨老成健筆自抖擻我欲起逐之行間字飛走
良久病掉眩定睛更扶首未知詩人中復有此人
來書許過我風雅細分掇子已辦春糧我亦戒剪韭
老人苦昏耄舊學忘誰某恐如趙李徒別字剔吾醜
此罪亦易科罰墨水一斗舉世扇俗學足跡競踏蹂
吾衰苦無徒單子犯蠅醜誓將埽壇墀子執尊鹵
恐以我累子謹吮起羣喉此詩亦戲耳用意或不苟
未得會子面請先指其口相見勿論文但飲杯中酒

爾止魯遊詩彈趙子昂李于鱗
二公皆不識華不注不字故云

古詩贈新城王貽上

風輪持大地擊颺爲風謠吹萬聲
邃古賡歌暘唐堯
朱絃汜漢魏麗藻沿六朝有唐盛
詞賦貞符彙元包
百靈聽驅使萬象窮鏤雕千燈咸
一光異世咸同調
彼哉譏議者穿穴分科條初盛別
中晚畫地成狴牢
妙悟掠影響指注闕釐毫獲天醯
雞覆井穴癡猿號
化爲劣詩魔飛精入府焦窮老蔽
蔀屋不得穿次寥
正始日以遠詞花雜莠苗獻吉才
雄驚學杜餽醪糟
仲默俊逸人放言訾謝陶考辭競
嘈噴懷响歸浮漂
江河文壅決厝滴亦騰囂么絃取
偏長苦調搜啁噍

鳥空而鼠卽厥咎爲詩詆喪亂亦云臚詩病不可瘳
叶譬彼膏肓疾傳染非一朝嗚呼杜與韓萬古垂斗
杓北征南山詩泰華爭嵒崕流傳到于今不得免傲
嘲况乃唐後人嗤點誰能跳窮子抵尺璧凍人裂複
陶熠燿點須彌可爲渠略標昌黎笑窮兒少陵訶汝
曹嗟我老無力掩耳任叫喚王君起東海七葉光漢
貂騊駼奮蹴踏萬馬暗不驕識字而雅頌審樂辦簫
韶蕩紙爲歌詩絳雲卷青霄自顧骨骼馬創殘臥東
郊敢云老識路昏忘慙招邀河源出星海東流日滔
滔誰蹠巨靈掌一手堙崩濤古學喪根幹流俗沸蟄

蜩僞體不別裁何以親風騷珠林旣淡淡玉河復迢迢方當剪榛桔未可榮蘭茝瓦釜正雷鳴君其信所操勿以獨角麟嬖彼萬牛毛伊余久歸佛緇經守僧寮悵觸爲此詩狂言放調刁無乃禪病發放筆自抑搔起挑常明燈懺除坐寒宵

送林枋孝廉歸閩葬親絕句四首

寢苦揮戈十六年麻衣如雪向閩天松楸禾黍千行淚并洒西風哭杜鵑

小舟如葉出嚴陵突兀西臺許劒亭自是閩人多涕淚招他故鬼哭冬青

負土爲墳斬蒺藜淚和春鐮下成溪更餘精衛啼殘
血漬入泉臺築土泥

萬里黃山白露園清明麥飯黯銷魂孤臣老淚空填
咽今日秋風又送君

紅豆樹二十年復花九日賤降時結子纔一顆
河東君遣僮揆枝得之老夫欲不誇爲已瑞其
可得乎重賦十絕句更乞同人和之

院落秋風正颯然一枝紅豆報鮮妍夏梨弱棗尋常
果此物真堪薦壽筵

春溪紅豆數花開結子經秋只一枚王母仙桃餘七

顰爭教曼倩不偷來

二十年來綻一枝人間都道子生遲
可應滄海揚塵日還記仙家下種時

秋來一顆寄相思葉落深宮正此時
舞輟歌移人既醉停觴偏唱右丞詞

朱噉啣來赤日光苞從鵲火度離方
寢園應並朱櫻獻玉座休悲道路長

千葩萬藥葉風凋一捏猩紅點樹梢
應是天街濃雨露萬年枝上不曾銷

齋閣燃燈佛日開丹霞絳雪壓枝催
便將紅豆與雲

供坐看南荒地脉培

炎繳黃圖自討尋日南花果重南金書生窮眼疑盧
橘不信相如賦上林

旭日平臨七寶闌一枝的皪殷流丹上林重記虞淵
簿莫作南方草木看

紅葉闌干覆草萊金盤火齊抱枝開故應五百年前
樹曾裊儂家錦繡來

陳伯璣與程士哲有耦耕之約命畫史作圖戲

賦短歌以贈

昔與程孟陽築堂學耦耕高人仙遊陵谷改此堂猶

得留其名圖中之人腰鎌襪襖者誰子云是松圓宗
子士哲生身憑黃犢似席薦目光激射牛背明旁有
一人荷鋤箕踞足奇左乃是陳生伯璣不是我我今
緇經皈佛成老僧陳生代我爲農何不可吁嗟乎南
山之田蕪穢不可治閉門種菜盍歸歟輟耕隴上應
使羣兒笑牛角爭教掛漢書

恤廬詩

爲牧雲和上作也和上有懷二人將結廬祀奉以沒其身作啣恤詩十章牧翁

讀之而讚許焉故作是詩也

牧齋老人統綺兒曹少長祖第縣東坊橋循牆而東
地一牛鳴牧雲和上於此誕生兩牧之生一僧一儒

虎子獨兒墮地各殊牧翁瓊瓊儒冠誤我仕宦冰炭
患難湯火晚歸空門繙誦呢喃終守研削如抱繭蠶
牧雲昌昌作僧中王提天童印坐七道場登堂說法
如雲如雨語錄金篋詩筆玉斧草兵木刀界灰剝塵
七日之後餘此兩人蔬笋盈盤爐香霏微如光音人
下食地肥茫茫墨穴皤皤白顛杖錫來此秋風颯狀
徘徊身世申寫情懷自悔禪林文彩流布風匪囊貯
水豈刀劃淨名無言猶存一點我觀雲老形如木雞
霜降紅涸刊落膚皮龍潭滅燈俱胝斷指望崖送公
自此遠矣雲老告我佛重生地永懷二人風聲雨涕

荒祠小築於彼江臯衡門兩板蓋頭一茅蔑束肚皮
搬柴運水作老編氓沒身而已我聞斯言合掌歎息
豈惟僧規亦是孝則凡今之人口實編蒲霜雹利養
是究是圖綃頭赴闕乘傳葬母弔送喧闐官吏奔走
攫拏龍穴黥椎山岡南山之石錮爲堵牆昔有高僧
一擔兩邊左擔供佛母坐下肩逢母生日挑長命燈
炊飯是喫爲娘齋僧比陳尊宿却又瀟洒蟋蟀轉丸
汝何爲者我讀雲老唧恤之什有風肅狀望古遙集
不風不雅作爲此詩重扶木又鋤于訓辭哀哀恤廬
唧唧苦音我如秋蟲伴彼秋吟雖則秋吟爲雷爲風

有傾聽者三日耳聾歲在辛丑易月望日虞山白衣
海印弟子錢某製

懸蛇行贈茂廬

周君賣藥楓橋下長身歷落氣瀟灑要離伯鸞古有
之悠悠末俗誰知者懸蛇車上走兒童剔胃剗腸一
笑中更看袖裏青蛇在元化由來卽呂翁

題金孝章生挽冊

人生喜祝壽死有製挽詩祝生生不筵哭死死不知
徒狀費紙墨况乃滋點螻陶潛一老翁唱與生挽詞
歿挽已多事生挽復何爲人生愛百年生死爲大期

樂生本物情怖歿何足訾生祝歿則哭委分亦所宜
哀樂而樂哀古人豈我欺生挽歿重挽生歿皆傷悲
挽者亦有死相挽無已時吳門金孝章褒衣稱人師
六十要生挽趣我屬和之我老諱哀挽搖頭請固辭
赤羽滿天地白毛生路達餘生剩兵間頭顱天所私
西山萬樹梅破臘放繁枝釭面酒新熟杖頭錢可持
何用雙眉皺且喜兩膝隨鸛鶴遞歌哭毫烏俄出諱
長風報吹萬過耳知爲誰聊歌蟋蟀章請君頌鴟獍

牧齋有學集卷十一終